



ATAS OFISIAL DI RUNION VIRTUAL DI KOMITÊ DI REVISION DI PROSPEKTU DI INOVASON I INKLUSIVIDADI DI LISEU CHARLESTOWN

22 di Dizenbru di 2021

Komitê di seleson di Prospektu di Inovason i Inklusividad di Liseu Charlestown realiza un runion virtual na 22 di dizenbru di 2021, 14h00 di tardi na Zoom. Pa más informason sobri kalker un di kes itens indikadu dibaxu, konsulta <https://www.bostonpublicschools.org/domain/162>, ô manda un email pa feedback@bostonpublicschools.org ô txoma Skritório di Komitê di Skolas di Boston pa (617) 635-9014.

PRIZENSA

Komitê di menbrus prizenti na runion: Superintendente Brenda Cassellius, Presidente di komitê di Skolas di Boston Jeri Robinson; i Vice Presidente di Sindikadu di Profesores di Boston Erik Berg.

Funsionário di BPS prizenti: Lisa Maki, Asesor Jurídiku.

DUKUMENTOS APRESENTADUS

[Agenda](#)

[Prospektu di Inovason i Inklusividad di Liseu Charlestown](#)

RUNION STA BEN KOMENSA

Superintendente Cassellius anuncia ma runion sta ben komensa. Sra. Parvex lê nomi di menbrus. Dra. Cassellius, Presidenti Robinson i Sr. Berg staba prizenti.

Sra. Parvex anuncia ki servisu di interpretason simultanea sta dispuníveis na spanhol i língua gestual Merkana (ASL), i el da instruson sobri modi ki es ta asesu interpretason simultanea ku mudansa di kanal di Zoom.

22 di Dizenbru di 2021

DISKUSON

Superintendente Cassellius da boas-vindas pa menbrus di publiku i el fla-s ma es sta reuni komu parti de ses obrigason legal di diskuti planu di inovason di Liseu Charlestown apresetadu pa Fabienne Eliacin, Alicia Piedalue i Karellis Rivera. El splika ki runion ta ser operasional, fokalizadu na stabilisi struturas pa diskuti i revisa planu ki foi submetidu na 23 di novenbru di 2021. El fra tanbé ki presidenti di komitê ta konpartilha formalmenti prospektu di inovason di Liseu Charlestown ku menbrus di komitê di seleson, i dipos ta komesa periodo di 30 dias pa revisa i vota na planu.

El komesa runion ku voto i nomeason di Presidenti di komitê di seleson. El emiti un konvokatoria di nomeason pa kargo di presidenti. Sr. Berg nomea Jeri Robinson. Dra. Cassellius apoia nomeason.

Aprovado – Atraves di xamada di nomi di menbrus, komitê vota unamimamenti pa fitxa nomeason pa presidenti.

Aprovado – Atraves di xamada di nomi di menbrus, komitê vota unamimamenti pa skodji Sra. Jeri Robinson komu presidenti di komitê di seleson di prospektu di inovason i inklusivadi di Liseu Charlestown.

Sra. Robinson agradesi Superintendente Cassellius i fla ki próxima orden di negósium era un diskuson di prospektu di inovason. El pidi menbrus di ekipa di Superintendente pa manda formalmenti prospektu di inovason di Liseu Charlestown pa menbrus di Komitê di Seleson, asin pa abri prusesu di revision di 30 dias pa prospektu. El fra ki, komu maioria di menbrus di komitê ka tinha formalmenti resebidu i analisadu proposta, es ta tinha un diskuson mutu limitadu na runion. Sra. Robinson fra ki es ta speraba agenda runions adisionais dentu di periodo di 30 dias pa ten un diskuson formal i pa toma mididas sobri proposta. El pregunta Superintendente Cassellius pa konpartilha se reflexon, enkuantu ki el ta revisa proposta i reuni ku profesores i funsionários di Liseu Charlestown.

Superintendente Cassellius fala sobri inportansia di envolvimentu i el fra ki el sta konpromitidu na lidera ku envolvimentu i parseria. Portantu, alen di konpartilha prospektu ku menbrus di Komitê di seleson, es ta postal tanbé na site di Skolas Publikas di Boston i es staba ta abri un prusesu pa un período di revision i komentários di três semanas. El fra ki menbrus di komunidad metropolitana di Boston ta ten oportunitadi di revisa prospektu i es foi insentivadu a konpartilha ses komentários pa ser revisadu pa komitê.

Superintendente Cassellius sujeri pa Dr. Charles Grandson, Chefi di Ekuidadi i Stratéjia, konvida autores di prospektus pa presenta na runion virtual di Mensa Rodondu di Ekuidadi Komunitária (CERT). El splika ki desdi abril di 2020, BPS ten envolvidu ku CERT komu un pasu inportanti i isensial na tudu pulitika i tomada di disizon, i ki tudu runion é abertu pa publiku. Dr. Cassellius fla ki Dr. Grandson ta entra en kontatu ku kandidatus pa garanti ki es ta envolve ku ses ekipa na se resenti apresetason di un Ferramenta di Planejamentu di Ekuidadi Rasial (REPT) pa un

**Runion virtual di komitê di revision di prospektu di inovason i inklusivadi di liseu Charlestown
Zoom**

22 di Dizenbru di 2021

revision kompletu, pamodi kel li é un pasu nesisáriu na inísiu di kalker prusesu di planejamentu pa disizons inportantis na distrito. El fla tanbé ki es revision ta serba konpartilhadu ku Komitê di Seleson antis di ultimo voto i ki REPT finalizadu ta serba postadu na site di Komitê Eskolar.

Pur ultimo, el sujeri ki es analisa prospektu ku uzu di análisi di pontos fortis, pontos frakus, oportunitadís i ameasas (SWOT) atraves di un foku explísitu i klaru na ekuidadi rasial. El rekomena ki antis di próxima runion, es debi lê proposta, konsidera i refliti sobri dados ki ta imerji di envolvimentu ku korpu dosenti, pais i alunus di Charlestown, reason di komentários di publiku i CERT, i análise ku uzu di REPT. El fla tanbé ki es debi prepara ses reflexons individuais sobri pontos fortis, frakus, oportunitadís i ameasas di proposta sentradu na ekuidadi rasial, disenpenhu di alunus i oportunitadi na ses análisi, visto ki es pontos di dados debi informa ses ason à midida ki nu avansa. Superintendente Cassellius fra ki el pidi chefi di skolas Corey Harris i vice-superintendente akadémiku Drew Echelson pa sta dispuníveis pa konpartilha ses análisi di proposta di uza SWOT i REPT komu un ferramenta analítika na ses próximu runion.

Sra. Robinson agradesi Superintendente Cassellius i pergunta Sr. Berg pa ses ideias.

Sr. Berg enfatiza inportansia di vozes di komunidadí di skolas, visto ki es é isensial pa asigura ki kalker sforsu di reforma ta trabadja pa alunus i pa sistema eskolar. El fra ki el ta gostaba di realiza un runion ku tudu profesores i funsionários di liseu Charlestown antis ki komitê di seleson konklui ses negosius. El adisiona ki el pensa ki ta serba inportanti ki futuros runions ser markadu dipos ki alunus dispensadu di skolas, asin alunus i edukadores ta ten oportunitadi di sisti runions.

Sra. Robinson konkorda i fla ma el ta kre sertifika ki ta ten un oportunitadi pa obi familias atual di liseu Charlestown.

Pur ultimo, Sra. Robinson da data pa revision, diskuson, i ason na pruposta.

- 22 di dizenbru: Runion di komitê di seleson (ta aseita formalmenti Prospektu di Inovason di Charlestown i ta difini próximos pasus)
- 22 di dizenbru: Prospektus ta kolokadu na pajina di internet di komitê di skolas pa publiku i periudo di komentário di publiku ta komensa
- 7 di janeru: REPT final di aplikantes
- 7 di janeru: Runion di komitê di seleson (Revizion, Diskuson, i abertura pa komentário di publiku)
- 14 di janeru: Runion CERT (tentativo)
- 15 di janeru: Periudo di Komentário di publiku i sugeston é konpartilhadu ku Komitê di seleson
- 19 di janeru: Runion di Komitê di seleson (Diskuson, Disizon, i Voto)

Sr. Berg pergunta undi video ta ser kolokadu. Dra. Cassellius fla ki tudu materiais ta ser kolokadu na pajina di internet di komitê di skolas

Runion virtual di komitê di revision di prospektu di inovason i inklusividad di liseu Charlestown
Zoom

22 di Dizenbru di 2021

FIN DI RUNION

Por volta di 14:20 di tardi, komitê vota unanimamenti, atraves di xamada di nomis, pa termina runion.

Atesta:



Lena Parvex
Assistenti Administrativa